

ლანჩხუთის მუნიციპალიტეტის საკრებულოს  
საფინანსო-საბიუჯეტო კომისია

2800 ლანჩხუთი, კოსტაეას 37 599350451

N 195  
25/04/2018

195-07-3-201804251141



ლანჩხუთის მუნიციპალიტეტის საკრებულოს  
თავმჯდომარეს ბატონ, ბესიკ ტაბიძეს

ბატონო ბესიკ,

გაცნობებთ, რომ მიმდინარე წლის 23 აპრილს ჩატარებულ იქნა ლანჩხუთის მუნიციპალიტეტის საკრებულოს საფინანსო-საბიუჯეტო კომისიის სხდომა.

დანართი: სხდომის ოქმი №8– 6(ექვსი) ფურცელი  
დასკვნა №8– 1(ერთი) ფურცელი

პატივისცემით,

ალექსანდრე მახათაძე

A handwritten signature in blue ink, consisting of stylized initials and a surname, positioned above the text 'კომისიის თავმჯდომარე'.

კომისიის თავმჯდომარე

საფინანსო-საბიუჯეტო კომისიის სხდომის

ოქმი №8

ქ.ლანჩხუთი

23.04.2018.

სხდომას ესწრებოდნენ: საფინანსო-საბიუჯეტო კომისიის თავმჯდომარე ალექსანდრე მახათაძე, კომისიის წევრები: აკაკი იმნაიშვილი, ამირან გიგინეიშვილი, იოსებ ჩხაიძე და ზურაბ კუკულავა.

მოწვეული პირები: ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსი როლანდ ლაშხია.

სხდომის თავმჯდომარემ, ალექსანდრე მახათაძემ სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის მერიაში შრომითი ხელშეკრულებით დასაქმებულ პირთა რაოდენობის გაზრდაზე მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე.

/მომხსენებელი: ა.მახათაძე/

2. „ლანჩხუთის მუნიციპალიტეტის 2017 წლის ბიუჯეტის შესრულების ანგარიშის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე.

/მომხსენებელი: ა.მახათაძე/

3. „ლანჩხუთის მუნიციპალიტეტის ორგანოების საქმიანობის აუდიტორული შემოწმების ჩატარების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

/მომხსენებელი: ა.მახათაძე/

4. სხვადასხვა.

სხდომის თავმჯდომარემ, ალექსანდრე მახათაძემ კენჭი უყარა დღის წესრიგის პროექტს.

მომხრე-5, წინააღმდეგი-არცერთი.

დღის წესრიგის პირველი საკითხი „ლანჩხუთის მუნიციპალიტეტის მერიაში შრომითი ხელშეკრულებით დასაქმებულ პირთა რაოდენობის გაზრდაზე მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს დადგენილების პროექტი კომისიას გააცნო სხდომის თავმჯდომარემ, ალექსანდრე მახათაძემ. მან აღნიშნა, რომ ლანჩხუთის მუნიციპალიტეტის მერიის ადმინისტრაციული და შესყიდვების სამსახურის საზოგადოებასთან და პრესასთან ურთიერთობის განყოფილებას, სრულყოფილი ფუნქციონირებისათვის, კერძოდ ყოველდღიური ფოტო და ვიდეოგადაღებისთვის ესაჭიროება ოპერატორი, ასევე ლანჩხუთის მუნიციპალიტეტის მერიაში არსებულ ფიზიკური და კერძო სამართლის იურიდიული პირების მფლობელობაში არსებულ მიწის ნაკვეთებზე საკუთრების უფლების აღიარების კომისიას საქმეთა სიმრავლის გამო ესაჭიროება

პოლიტიკისტი. მან ასევე აღნიშნა, რომ ლანჩხუთის მუნიციპალიტეტის საკრებულოს განკარგულებით ლანჩხუთის მუნიციპალიტეტის საკუთრებაში არსებული უძრავი ქონება (გრიგოლეთში მდებარე საფეხბურთო ბაზა) აღარ არის ა(ა)იპ საფეხბურთო კლუბ "ლანჩხუთის გურიას" სარგებლობაში, რის გამოც მერიას აღნიშნული ქონების მოვლა-პატრონობისათვის ესაჭიროება შრომითი ხელშეკრულებით დასაქმებულ პირთა რაოდენობის გაზრდა (დამლაგებელი, დარაჯი და ადმინისტრატორი).

"საჯარო დაწესებულებაში შრომის ანაზღაურების შესახებ" საქართველოს კანონის თანახმად შრომითი ხელშეკრულებით დასაქმებულ საჯარო მოხელეთა რიცხოვნება არ უნდა აღემატებოდეს საჯარო დაწესებულების მთლიანი საშტატო რიცხოვნების 5%-ს, მაგრამ "საქართველოს 2018 წლის სახელმწიფო ბიუჯეტის შესახებ" საქართველოს კანონის შესაბამისად, დადგენილი შეზღუდვიდან შესაძლებელია გამონაკლისის დაშვება მუნიციპალიტეტის შემთხვევაში საკრებულოსთან შეთანხმებით. პროექტის მიღება არ გამოიწვევს ადგილობრივი ბიუჯეტის ზრდას და დაფინანსება განხორციელდება დამტკიცებული ასიგნების ფარგლებში.

დეპუტატმა ამირან გიგინეიშვილმა დასვა შეკითხვა თუ რის ხარჯზე ხდებოდა შრომითი ხელშეკრულებით დასაქმებულ პირთა რაოდენობის გაზრდა და ასევე იკითხა თუ რატომ გადმოეცა საფეხბურთო ბაზა მუნიციპალიტეტს. როლანდ ლაშვიამ გააკეთა განმარტება და აღნიშნა, რომ მათი შრომის ანაზღაურება მოხდება დამტკიცებული ასიგნების ფარგლებში, სახელფასო ფონდში გაკეთებული ეკონომიის ხარჯზე. ხოლო ალექსანდრე მახათაძემ განმარტა, რომ საფეხბურთო ბაზის მოვლა-პატრონობა დაკავშირებულია ხარჯებთან, რომელსაც კლუბი ვერ შეძლებდა.

წარმოდგენილ დადგენილების პროექტთან დაკავშირებით კომისიის წევრების მიერ სხვა შენიშვნები არ გამოთქმულა.

#### კომისიამ მიიღო გადაწყვეტილება:

დღის წესრიგის პირველი საკითხი „ლანჩხუთის მუნიციპალიტეტის მერიაში შრომითი ხელშეკრულებით დასაქმებულ პირთა რაოდენობის გაზრდაზე მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს დადგენილების პროექტი მიღებულ იქნა შენიშვნების გარეშე.

სხდომის თავმჯდომარემ, ალექსანდრე მახათაძემ კენჭი უყარა წარმოდგენილ დადგენილების პროექტს.

#### მომხრე-5, წინააღმდეგი-არცერთი.

დღის წესრიგის მეორე საკითხი „ლანჩხუთის მუნიციპალიტეტის 2017 წლის ბიუჯეტის შესრულების ანგარიშის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი კომისიას გააცნო სხდომის თავმჯდომარემ ალექსანდრე მახათაძემ. მან აღნიშნა, რომ 2017 წელს ლანჩხუთის მუნიციპალიტეტის ბიუჯეტში სულ მობილიზებულია საგადასახადო, არასაგადასახადო და არაფინანსური აქტივების კლებიდან შემოსავლები 2569,5 ათ. ლარი ანუ გეგმა შესრულებულია 94,4%-ით, მათ შორის საგადასახადო შემოსავლების გეგმა შესრულებულია 100,7%-ით, აქედან საშემოსავლო გადასახადის საკასო შესრულებამ შეადგინა 601,5 ათ. ლარი /109,4%/; საწარმოთა ქონების გადასახადის საკასო შესრულებამ შეადგინა 408,7 ათ. ლარი /102,2%/; ფიზიკურ პირთა ქონების გადასახადის შესრულებამ შეადგინა 20,0 ათ. ლარი /200,0%/; სასოფლო სამეურნეო დანიშნულების მიწაზე გადასახადის საკასო შესრულებამ შეადგინა 121,0 ათ. ლარი /134,5%/; არასასოფლო სამეურნეო დანიშნულების მიწაზე კი 409,8 ათ. ლარი /82,0%/; არასაგადასახადო შემოსავლების საკასო შესრულებამ შეადგინა 957,8 ათ. ლარი და გეგმა 105,5%-ით არის შესრულებული; აქედან ბუნებრივი რესურსების სარგებლობიდან მიღებულია 153,6 ათ. ლარი, გეგმა შესრულებულია 71,8%-ით; მიწის იჯარიდან და მართვაში (უზურფრუქტი, ქორაგნობა და სხვა)გადაცემიდან შემოსავალმა შეადგინა 9,3 ათ. ლარი /92,6%-ით/; სანებართვო მოსაკრებლიდან მიღებულია 15,3 ათ. ლარი, გეგმა

სულელებულია 153,2%-ით; დასახლებული ტერიტორიის დასუფთავებიდან მოსაკრებლის სახით მიღებულია - 9,2 ათ. ლარი, გეგმა შესრულებულია 67,3%-ით; არასაბაზრო წესით გაყიდული საქონელი და მომსახურებიდან მიღებულია 31,2 ათ. ლარი, გეგმა შესრულებულია 312,5%-ით; ჯარიმები, სანქციები და საურავებიდან მიღებულია 728,5 ათ. ლარი, გეგმა შესრულებულია 112,1%-ით; შერეული და სხვა არაკლასიფიცირებული შემოსავლებიდან მიღებულია 10,6 ათ. ლარი; არაფინანსური აქტივების კლებიდან მიღებულია 50,5 ათ. ლარი, შესრულებულია 19,2%-ით; სახელმწიფო ბიუჯეტიდან მუნიციპალიტეტის ბიუჯეტის ფინანსური დახმარების სახით მიღებული აქვს 14085,2 ათ. ლარი ანუ გეგმის 107,9%, აქედან გათანაბრებითი ტრანსფერი 5354,2 ათ. ლარი, მიზნობრივი ტრანსფერი 220,0 ათ. ლარი, საქართველოს რეგიონებში განსახორციელებელი პროექტების ფონდიდან მიღებულია 3510,3 ათ. ლარი, სოფლის მხარდაჭერის პროგრამიდან (აზიური ფაროსანას წინაღმდეგ) 106,2 ათ. ლარი, სტიქიის შედეგად მიყენებული ზარალის სალიკვიდაციოდ 4737,0 ათ. ლარი, მთავრობის სარეზერვო ფონდიდან მიღებულია 140,0 ათ. ლარი.

როლანდ ლაშხიაშვილმა აღნიშნა, რომ მუნიციპალიტეტის ბიუჯეტში საფინანსო წლის განმავლობაში სულ შემოსულობების სახით მიღებულია 16654,7 ათ. ლარი ანუ გეგმის 105,6%-ი. საფინანსო წლის დასაწყისში მუნიციპალიტეტის ბიუჯეტში ირიცხებოდა 211,4 ათ. ლარი, რომელიც მიიმართა ვალდებულებების დასაფინანსებლად ლანჩხუთის მუნიციპალიტეტის 2017 წლის ბიუჯეტი დამტკიცდა 2016 წლის 28 დეკემბერს N30 დადგენილებით 8147600 ლარის ოდენობით; 2017 წლის 17 თებერვლის N3 დადგენილებით განხორციელდა ცვლილება ბიუჯეტი გაიზარდა 212375 ლარით და განისაზღვრა 8359975 ლარის ოდენობით; 2017 წლის 31 მარტის N11 დაგენილებით შევიდა ცვლილება, დაემატა 2483000 ლარი და განისაზღვრა 10842975 ლარით; 2017 წლის 30 მაისის N17 დადგენილებით განხორციელდა ცვლილება და ბიუჯეტი გაიზარდა 501188 ლარით და განისაზღვრა 11344163 ლარით; 2017 წლის 13 ივნისის N18 დადგენილებით ბიუჯეტი გაიზარდა 265472 ლარით და განისაზღვრა 11609635 ლარით; 2017 წლის 30 ივნისის N21 დადგენილებით ბიუჯეტი გაიზარდა 138869 ლარით და განისაზღვრა 11748504 ლარით; 2017 წლის 18 ივლისის N22 დადგენილებით ბიუჯეტი გაიზარდა 17514 ლარით და განისაზღვრა 11766018 ლარით; 2017 წლის 28 ივლისის N23 დადგენილებით ბიუჯეტი გაიზარდა 2128042 ლარით და განისაზღვრა 13894060 ლარით; 2017 წლის 06 სექტემბრის N26 დადგენილებით ბიუჯეტი გაიზარდა 247000 ლარით და განისაზღვრა 14141060 ლარით; 2017 წლის 27 ოქტომბრის N33 დადგენილებით ბიუჯეტი გაიზარდა 10748 ლარით და განისაზღვრა 14151808 ლარით; 2017 წლის 28 ნოემბრის N35 დადგენილებით განხორციელდა დამტკიცებული ასიგნების ფარგლებში შიდა ცვლილება და განისაზღვრა 14151808 ლარით; 2017 წლის 25 დეკემბრის N36 დადგენილებით ბიუჯეტი შემცირდა 128404 ლარით და განისაზღვრა 14023404 ლარით;

სულ საფინანსო წლის პერიოდში ბიუჯეტში შეტანილი ცვლილებების შედეგად როგორც შემოსავალის, ისე ხარჯვითი ნაწილი გაიზარდა 5875804 ლარით.

მუნიციპალიტეტის ბიუჯეტიდან გაწეული იქნა 13314,6 ათ. ლარის ხარჯი; მათ შორის შრომის ანაზღაურებაზე მიმართულია 1560,9 ათ. ლარი, გაწეული მიმდინარე ხარჯების 11,1%-ია; შტატგარეშე მოსამსახურეთა შრომის ანაზღაურებაზე 308,3 ათ. ლარი გაწეული ხარჯის 2,2%-ი; მივლინების ხარჯების დაფინანსებაზე 6,6 ათ. ლარი; ოფისის ხარჯების დაფინანსებაზე 279,5 ათ. ლარი, /ხარჯის 1,9%-ის/; წარმომადგენლობითი ხარჯების დაფინანსებაზე 12,6 ათ. ლარი; რბილი ინვენტარის ხარჯების დაფინანსებაზე 1,2 ათ. ლარი; ტრანსპორტის მოვლა-შენახვის ხარჯებზე 121,4 ათ. ლარი /ხარჯის 0,87%-ი/; სხვა საქონელი და მომსახურების ხარჯებზე 207,3 ათ. ლარი /ხარჯის 1,48%-ი/; არაფინანსური აქტივების ხარჯვაზე მიიმართა 4829,9 ათ. ლარი /ხარჯის 34,4%-ი/; სუფსიდიერების წესით დაფინანსებაზე მიიმართა 5082,7 ათ. ლარი /ხარჯის 36,2%-ი/; სოციალური პროგრამის დაფინანსებაზე მიიმართა 334,6 ათ. ლარი /ხარჯების 2,39%-ი/; სხვა ხარჯების მუხლით გაწერილია 299,0 ათ. ლარი /ხარჯების 2,1%-ი/; ვალდებულებების კლების მუხლი 270,4 ათ. ლარი /ხარჯების 1,9%-ი/. მუნიციპალიტეტის საკრებულოს ფუნქციონირებისათვის გაწეული იქნა 719,0 ათ. ლარის ხარჯი ანუ ბიუჯეტიდან გაწეული ხარჯის 5,1%-ი; მუნიციპალიტეტის გამგეობის ფუნქციონირებისათვის გაწეული იქნა 1529,6

ლარი ბიუჯეტის ხარჯების 10,9%-ი; სამხედრო აღრიცხვისა და გაწვევის სამსახურის დაფინანსებაზე მიიმართა 108,4 ათ. ლარი ხარჯების 0,77%-ი; ქალაქის ტერიტორიაზე მუნიციპალური შენობა-ნაგებობებში დახარჯული წყლის გადასახადი შეადგენს 5,6 ათ. ლარს; გარე განათების მოვლის ღონისძიებაზე მიიმართა 382,3 ათ. ლარი, ხარჯების 2,7%; დასუფთავების და ნარჩენების გატანაზე მიიმართა 647,9 ათ. ლარი, ხარჯების 4,6%; გარე განათებაზე გახარჯული ელექტრო ენერჯის ხარჯზე მიიმართა 158,9 ათ. ლარი, ხარჯების 1,1%-ი, სოც. კულტურული ღონისძიებების დაფინანსებაზე მიიმართა 47,8 ათ. ლარი, ხარჯების 0,3%-ი; რელიგიის მხარდაჭერის პროგრამაზე მიიმართა 40,0 ათ. ლარი, ხარჯების 0,2%-ი; ა(ა)იპ საგარეო-ეკონომიკური კავშირუბრუნების, ინვესტიციების, ტრანსპორტის, ტურიზმის და მეწარმეობის განვითარების ცენტრის შენახვაზე გახარჯულია 233,9 ათ. ლარი, ხარჯების 1,66%-ი; ა(ა)იპ სკოლამდელი საგანმანათლებლო საადმინისტრაციო ცენტრი დაფინანსდა 1945,8 ათ. ლარით ხარჯების 13,8%-ი; ა(ა)იპ ლანჩხუთის სპორტული ცენტრის დაფინანსებაზე დაიხარჯა 362,9 ათ. ლარი, ხარჯების 2,5%-ი; ა(ა)იპ მუნიციპალური საფეხბურთო კლუბი გურიას დაფინანსება 86,9 ათ. ლარია, ხარჯების 0,6%-ი; ა(ა)იპ ლანჩხუთის ბავშვთა საფეხბურთო სკოლის დაფინანსებამ 156,8 ათ. ლარი შეადგინა, ხარჯების 1,1%-ი; ა(ა)იპ ლანჩხუთის მუნიციპალიტეტის გოგონათა ექსპერიმენტალური სარაგბო საფეხბურთო სკოლის დაფინანსება 66,8 ათ. ლარია, ხარჯების 0,5%-ი; ა(ა)იპ ლანჩხუთის მუნიციპალიტეტის კულტურის დაწესებულებათა გაერთიანება დაფინანსდა 920,3 ათ. ლარით, ხარჯების 6,5%-ი; შპს ლანჩხუთი დაფინანსდა 113,7 ათ. ლარით, ხარჯების 0,8%-ი; ა(ა)იპ ლანჩხუთის საზოგადოებრივი ჯანდაცვის ცენტრის დაფინანსებაზე გაიხარჯა 122,9 ათ. ლარი, ხარჯების 0,8%-ი; ა(ა)იპ ლანჩხუთის მზრუნველობამოკლებულთა უფასო კვებით უზრუნველყოფის დაფინანსებაზე გაიხარჯა 98,4 ათ. ლარი, ხარჯების 0,7%-ი, სოციალური პროგრამების დაფინანსებაზე მიიმართა 367,6 ათ. ლარი, ხარჯების 2,6%-ი; ლანჩხუთის მუნიციპალიტეტის ინფრასტრუქტურის ობიექტების დაფინანსებაზე გაიხარჯა 5198,7 ათ. ლარი ბიუჯეტით გაწეული ხარჯების 37,0%-ი. მათ შორის: ნაპირსამაგრი სამუშაოებზე მიიმართა 508,8 ათ. ლარი, გზების სარეაბილიტაციო სამუშაოებზე 3118,7 ათ. ლარი, არასაცხოვრებელი ბინათმშენებლობის (გრიგოლეთის ბაზა) სამუშაოებზე 368,7 ათ. ლარი, სკოლამდელი დაწესებულებების მშენებლობა-რეაბილიტაციაზე მიიმართა 603,9 ათ. ლარი, კულტურის ობიექტების სარეაბილიტაციო სამუშაოებზე 116,3 ათ. ლარი, საპროექტო სახარჯთაღრიცხვო დოკუმენტაციის შესყიდვაზე 12,7 ათ. ლარი, მუნიციპალიტეტის კეთილმოწყობის სარეაბილიტაციო სამუშაოებზე 391,2 ათ. ლარი, ჯანდაცვის ობიექტების სარეაბილიტაციო სამუშაოებზე 78,3 ათ. ლარი.

2017 წელს ბუღალტრული აღრიცხვა-ანგარიშების განყოფილების მიერ ხორციელდებოდა განყოფილებაზე დაკისრებული ყველა უფლება-მოვალეობა. ამასთანავე განყოფილების მიერ მიღებულია მუნიციპალიტეტის მიერ დაფუძნებული არასამეწარმეო(არაკომერციული) იურიდიული პირის მიერ წარმოდგენილი 116 ცალი და შპს „ლანჩხუთი“-ს მიერ წარმოდგენილი 11 ცალი ყოველთვიური ანგარიშის ფორმა. ასევე მიღებულია არასამეწარმეო(არაკომერციული) იურიდიული პირის მიერ წარმოდგენილი 10 ცალი და შპს „ლანჩხუთი“-ს მიერ წარმოდგენილი 3 ცალი კვარტლური ბალანსის ფორმა. აღრიცხვა-ანგარიშების განყოფილების მიერ აღნიშნული არასამეწარმეო(არაკომერციული) იურიდიული პირის და შპს მიერ წარმოდგენილი ყოველთვიური ანგარიშების ფორმები შედარებული იქნა ა(ა)იპ-ების და შპს მიერ წარმოდგენილ წლიურ ხარჯთაღრიცხვებთან და მათ მიერ გაწეულ ხარჯებთან. ამჟამად მიმდინარეობს მუშაობა 2017 წლის I, II, III და IV კვარტლების ბალანსების, 2017 წლის დეკემბრის თვის ყოველთვიური ანგარიშების ფორმების მიღება-დამუშავებაზე. ლანჩხუთის მუნიციპალიტეტის 2017 წლის ადგილობრივი ბიუჯეტით დაფინანსებული შესყიდვების გეგმის ჯამი შეადგენს 692119 ლარს, ცენტრალური ბიუჯეტით დაფინანსებული შესყიდვების გეგმის ჯამი შეადგენს 5422577 ლარს. მოქმედი კანონმდებლობის შესაბამისად, მონეტარული ზღვარის გათვალისწინებით 2017 წლის განმავლობაში სულ გამოცხადებული იქნა 31 ტენდერი, არ შემდგარი ტენდერების რაოდენობა შეადგენს 2, ორივე ტენდერი გამოცხადებული იქნა მრავალფუნქციური პრინტერის შესყიდვის მიზნით. ტექნიკური

შემენტიციის დაზუსტების მიზნით შეწყვეტილი იქნა ორი ტენდერი. ტენდერების შედეგად მიღებული იქნა 256239 ლარის ეკონომია. ინფორმაცია ტენდერების შესახებ ასახულია დანართი №1-ში. ტენდერის საშუალებით გაფორმებული იქნა 27 ხელშეკრულება. სულ 2017 წლის განმავლობაში შესყიდვების განყოფილების მიერ გაფორმებული იქნა 203 ხელშეკრულება.

საქართველოს მთავრობის 2017 წლის 14 მარტის N480 განკარგულების შესაბამისად საქართველოს რეგიონებში განსახორციელებელი პროექტების ფონდიდან სამუშაოების შესრულების მიზნით გამოყოფილია 2907178 ლარი. გამოყოფილი თანხით ფინანსდება სულ 15 სამუშაო. ყველა ხელშეკრულებაზე უკვე გაფორმებულია ხელშეკრულება. საქართველოს მთავრობის 2017 წლის 6 აგვისტოს N1401 განკარგულების შესაბამისად მუნიციპალიტეტს გამოეყო 707225 ლარი. აღნიშნული თანხით დაფინანსდა ორი სამუშაო. სტიქიის შედეგების სალიკვიდაციოდ ლანჩხუთის მუნიციპალიტეტისათვის გამოყოფილი იქნა 1607000 ლარი. გამოყოფილ თანხაზე გაფორმებულია ხელშეკრულებები. სამუშაოები დასრულდა ვადის დაცვით.

დეპუტატმა ამირან გიგინეიშვილმა გამოთქვა უკმაყოფილება და აღნიშნა, რომ გასულ წელს ფიზიკურ პირთა ქონების გადასახადი შესრულდა 200%-ით, ასევე სასოფლო-სამეურნეო დანიშნულების მიწის გადასახადი-134,5%-ით, რაც არ არის სწორი და მიუთითებს ბიუჯეტის არასწორ დაგეგმვაზე. მან ასევე აღნიშნა, რომ წარმოდგენილი ანგარიშით არ ჩანს წლის განმავლობაში ხარჯი ეფექტური იყო თუ არა, რის გამოც თავი შეიკავა აღნიშნული საკითხის მხარდაჭერისგან, რასაც დაეთანხმა დეპუტატი იოსებ ჩხაიძე.

დეპუტატმა აკაკი იმნაიშვილმა აღნიშნა, რომ თანხები ინფრასტრუქტურულ პროექტებზე უაზროდ იხარჯება. სამუშაოები უხარისხოდაა შესრულებული და თავიდანაა ყველაფერი გასაკეთებელი. ასევე აუცილებელია მოხდეს ადმინისტრაციული შენობის გაზიფიცირება, ვინაიდან ეს გამოიწვევს ბიუჯეტში ეკონომიას და ხარჯის ნაკლებობას. მან ასევე აღნიშნა, რომ ბიუჯეტის დაგეგმვისას სასოფლო-სამეურნეო მიწის გადასახადის სწორად განსაზღვრა შეუძლებელია, რადგან ნებისმიერ დროს შეიძლება გამოჩნდეს კომპანია, რომელიც იჯარით აიღებს მიწის ნაკვეთს და შესაბამისად ბიუჯეტშიც შეიტანს გარკვეულ თანხას გადასახადის სახით.

წარმოდგენილ დადგენილების პროექტთან დაკავშირებით კომისიის წევრების მიერ სხვა შენიშვნები არ გამოთქმულა.

#### კომისიამ მიიღო გადაწყვეტილება:

დღის წესრიგის მეორე საკითხი „ლანჩხუთის მუნიციპალიტეტის 2017 წლის ბიუჯეტის შესრულების ანგარიშის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი მიღებულ იქნა შენიშვნების გარეშე.

სხდომის თავმჯდომარემ, ალექსანდრე მახათაძემ კენჭი უყარა წარმოდგენილ დადგენილების პროექტს.

მომხრე-3, კენჭისყრაში მონაწილეობა არ მიიღო-2(ამირან გიგინეიშვილი, იოსებ ჩხაიძე).

დღის წესრიგის მესამე საკითხი „ლანჩხუთის მუნიციპალიტეტის ორგანოების საქმიანობის აუდიტორული შემოწმების ჩატარების შესახებ“ ლანჩხუთის მუნიციპალიტეტის საკრებულოს განკარგულების პროექტი კომისიას გააცნო სხდომის თავმჯდომარემ ალექსანდრე მახათაძემ. მან კომისიას წარუდგინა ლანჩხუთის მუნიციპალიტეტის 2017 წლის ბიუჯეტის შესრულების აუდიტორული შემოწმების დასკვნა, რომელიც ჩატარებული იქნა შპს აუდიტორული ფირმა "ლაზიკა აუდიტის" მთავარი აუდიტორების ბუკია თამაზისა და ზარანდია მამუკას მიერ. მან აღნიშნა, რომ შემოწმების დროს გამოიკვეთა ის ფაქტი, რომ მუნიციპალიტეტში ინვენტარიზაციის ჩატარებლობის გამო სრული მოცულობით არ არის ასახული ყველა გრძელვადიანი აქტივი და მატერიალური მარაგები. კერძოდ: ინვენტარიზაცია ფაქტიურად არ არის ჩატარებული, ბუღალტრულ ანგარიშგებაში მნიშვნელოვანი

რეგულირება, არის შეუსაბამო მონაცემები, ცვეთა არ არის დარიცხული. ყოველივეს გათვალისწინებით აუდიტორების მიერ გაცემული იქნა შემდეგი სახის რეკომენდაციები: ჩატარდეს სრული ინვენტარიზაცია საქართველოს ფინანსთა მინისტრის 2010 წლის 23 ივნისის №606 ბრძანების შესაბამისად, ასევე გასწორდეს მუნიციპალიტეტის მიერ დაფუძნებულ ა(ა)იპ-ებში ინვენტარიზაცია (განსაკუთრებით ჩამოწერების ნაწილში).

დეპუტატმა აკაკი იმნაიშვილმა გამოთქვა უკმაყოფილება იმის თაობაზე, რომ გაუქმდა სოფლის პროგრამებით ინფრასტრუქტურული პროექტების დაფინანსება, რომლის საშუალებითაც სოფლებში ბევრი კარგი საქმე კეთდებოდა.

დეპუტატმა ამირან გიგინეიშვილმა აღნიშნა, რომ მან, როგორც არასამთავრობო ორგანიზაციის წარმომადგენელმა პარლამენტში შეიტანა მოთხოვნა ხელწერებით, იმის თაობაზე, რომ არ გაუქმებულიყო "სოფლის პროგრამა", მაგრამ მოთხოვნა არც კი განხილულა.

წარმოდგენილ განკარგულების პროექტთან დაკავშირებით კომისიის წევრების მიერ სხვა შენიშვნები არ გამოთქმულა.

კომისიამ მიიღო გადაწყვეტილება:

დღის წესრიგის შესამე საკითხი „ლანჩუთის მუნიციპალიტეტის ორგანოების საქმიანობის აუდიტორული შემოწმების ჩატარების შესახებ“ ლანჩუთის მუნიციპალიტეტის საკრებულოს განკარგულების პროექტი მიღებულ იქნა შენიშვნების გარეშე.

სხდომის თავმჯდომარემ, ალექსანდრე მახათაძემ კენჭი უყარა წარმოდგენილ განკარგულების პროექტს.

მომხრე-3, კენჭისყრაში მონაწილეობა არ მიიღო-2(ამირან გიგინეიშვილი, იოსებ ჩხაიძე).

ამით კომისიის სხდომამ მუშაობა დაასრულა.

საფინანსო-საბიუჯეტო  
კომისიის თავმჯდომარე:

ალექსანდრე მახათაძე



ლანჩხუთის მუნიციპალიტეტის საკრებულოს

საფინანსო-საბიუჯეტო კომისიის დასკვნა №8

2018 წლის 23 აპრილს ჩატარებულ იქნა ლანჩხუთის მუნიციპალიტეტის საკრებულოს საფინანსო-საბიუჯეტო კომისიის სხდომა.

სხდომამ განიხილა დღის წესრიგით გათვალისწინებული შემდეგი საკითხები:

1. „ლანჩხუთის მუნიციპალიტეტის მერიაში შრომითი ხელშეკრულებით დასაქმებულ პირთა რაოდენობის გაზრდაზე მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე.
2. „ლანჩხუთის მუნიციპალიტეტის 2017 წლის ბიუჯეტის შესრულების ანგარიშის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე.
3. „ლანჩხუთის მუნიციპალიტეტის ორგანოების საქმიანობის აუდიტორული შემოწმების ჩატარების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.
4. სხვადასხვა.

კომისიამ მიიღო გადაწყვეტილება:

დღის წესრიგის პირველი საკითხი „ლანჩხუთის მუნიციპალიტეტის მერიაში შრომითი ხელშეკრულებით დასაქმებულ პირთა რაოდენობის გაზრდაზე მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს დადგენილების პროექტი მიღებულ იქნა შენიშვნების გარეშე.

დღის წესრიგის მეორე საკითხი „ლანჩხუთის მუნიციპალიტეტის 2017 წლის ბიუჯეტის შესრულების ანგარიშის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი მიღებულ იქნა შენიშვნების გარეშე.

დღის წესრიგის მესამე საკითხი „ლანჩხუთის მუნიციპალიტეტის ორგანოების საქმიანობის აუდიტორული შემოწმების ჩატარების შესახებ“ ლანჩხუთის მუნიციპალიტეტის საკრებულოს განკარგულების პროექტი მიღებულ იქნა შენიშვნების გარეშე.








საფინანსო-საბიუჯეტო

კომისიის თავმჯდომარე :

ალექსანდრე მახათაძე

ლანჩხუთის მუნიციპალიტეტის საკრებულოს საფინანსო-საბიუჯეტო კომისიის  
წევრთა დასწრების სარეგისტრაციო ფურცელი

23.04.2018 წელი  
15:00 საათი

	სახელი, გვარი	გამოცხადების დრო	ხელმოწერა
1	ალექსანდრე მახათაძე	15:00	
2	თორნიკე ტიკაძე	ს. ისნუბოძე	
3	გიორგი ჩახვაძე	ს. ისნუბოძე	
4	დავით ჩხარტიშვილი	ს. ისნუბოძე	
5	ამირან გიგინეიშვილი	14:55	
6	იოსებ ჩხაიძე	14:50	
7	აკაკი იმნაიშვილი	15:00	
8	ზურაბ კუკულავა	14:55	